



22224

katkomp.

III

Mag. St. Dr. P

Korwalewski Samuelis: *A Mnemosynon Ioachimo*
Speronia dicatum.

PANEG. et VITAE
Polon. Fol.
№ 1326

Biblioteka Jagiellońska



stdr0004643



M N E M O S Y N O N

PERILLVSTRI CLARISSIMO ET ADMODVM REVERENDO
DOMINO,

D. M. IOACHIMO
SPERONIO.

S. Th. D. & Professori, Collegij Maioris Se-
niori Patri, Ecclesiarum Collegiatarum
Cracouiæ, OMNIVM SS. PRÆPOSITO, Ad S.
FLORIANVM DECANO, Cancellario Polnaniẽ:
& Contubernij Iagelloniani Vigilantissimo Prouisorio,
&c. &c. &c.

PAROCHO NEOKORCINENSI.

D / M

Sub Felicissimis Auspicijs,

M. FRANCISCI ROLINSKI,

Philosophiæ & Medicinæ Doctoris, & Professoris, Con-
sulis & Studij Vniuersitatis Crac:

GENERALIS RECTORIS,

longè Vigilantissimi.

PRO LOCO.

Inter S. Th. DOCTORES, in Celeberrima Vniuersitate Crac:
obtinendo disputaret.

A

M. SAMUELE KOWALEWSKI, Philosophiæ Doctore & Professore,

D I C A T V M.

Anno Domini, M. DC. L. VIII. Mense Aprilis, Die 15.

CRACOVIAE, Apud Viduam & Hæredes Stanislai Bertutowicz, A. 1658.



AD Tuam solennem Doctoratus Pompam, mea quoque pertenuis properauit Musa, PERILLVSTRIS CLARISSIME ET ADMODVM REVERENDE DOMINE. Non enim decuit nec licuit, inter tot faustas acclamantium voces, inter hos gestientium animorum applausus, inter serenos omnium gratulantium vultus mutam & elinguem esse. Et licet tanta solennitatis splendor, & in solita Maiestatis fulgor, tenellam meam SVADAM initio dictionis abripiat, & satius silere, quam precipiti ac tumultuario verborum impetu aliquid attentare suadeat: tamen quoniam virtute Duce, ac Comite labore, ad tam celsum honoris fastigium euectus es: nulla permittet ratione tantus honor, ipsaque loci amplitudo Tuarum Virtutum laborumque constantiam obliuione sepeliri. Nam quoad longissimè mens mea respicere potest, spatium prateriti temporis, & memoriam Tuorum laborum recordari supremam, simul atque in florentissimum hortum Academicum insertus & implantatus es: Te adeo Virtuti & labori consecratum esse volueras; ut in Tuo pectore Virtus atque Labor sibi sedem & domicilium fixisse locassent, viderentur. Et sane breui postliminio exitus acta comprobauit: vbi primum Scholarum Nonoduoriscianarum, Maiorum Tuorum autoritate Dialectices Professor inauguratus, in tanta discipulorum frequentia, magno cum profectu Iuuentutis ACADEMICÆ, cum laude & dignitate Tua, munia Scholæ illius obieris; ibi quas molestias, quas curas sustinueris, ac deinceps quot pulueres Scholasticos & quam diu exhauseris: Iuuentus Polonæ vidit, ACADEMIA approbavit. At verò cum dicendi copia verborum & sententiarum gravitate, tum in enodandis difficultatibus perspicuitate multum valeas; magnum istud PERILLVSTRIS CLARISSIME ET ADMODVM REVERENDE DOMINE. Te circa Tuas illas nocturnas diurnasque, lucubrationes, quas sæpe sapius literis consignasti, tot labores, curas, vigilias, subiisse magnum; maius illud cursum Philosophicum, liberalitatis dexterâ VLADISLAVIANÆ fundatum. ter pro Tua & totius ACADEMIÆ dignitate Studio & operâ peruigili perfecisse: ter quoque munere & officio DECANATVS functum esse gloriosè. Quid dicam toto vitæ tempore, in statione Academicâ ita constantem ac laboriosum perstitisse; ut ne latum quidem pedem ab exedra quam conscenderas licuerit Tibi discessisse. Caterum quidquid laboris, quidquid vigiliarum, inter scribendum, legendumque, docendumque, toto vitæ Tuæ curriculo, in sparta ACADEMICA susceperis; quis non modo dignè predicare; verumetiam numerando percensere valeat? Age verò, ut ab humanis ad Diuina progrediar; dum Te in vastissimo sacrarum literarum Oceano exspatiari conspicio, THEOLOGVM, Sacram literaturâ profundum atque ratione docendi ita perspicuum; ut cum reconditiora Diuinorum mysteriorum arcanâ, sagaciùs perscrutaris, eaque animis discipulorum vberius instillas: magnos illos nostræ ætatis THEOLOGOS Vadonios scilicet & Opatouios referre videâre. Quid referram illud, quod hic inter tumultus cruentæ Bellonæ, Martis furentis æstuantis fluctus; dum hostilis illa barbaraque tempestas, longè latèq; per Vniuersam grassaretur Poloniam: Exterorum ingressus fines, quò magis pacatam & tranquillam degens vitam Studijs etiam tum Diuinarum literarum vacares, ita in dies fermè totos D. THOMÆ THEOLOGIAM præ oculis habueris, ut eam intenti operâ & diligentia euolueris. Quamobrem cum promeritorum Tuorum in ACADEMIAM, tanta sit laus & gloria; ut quouis loco & tempore, Tibi honori & Altrici ingeniorum ACADEMIÆ singulari ornamento esse volueris; meritò quodam iure, hunc tam sublimem honoris gradum, in SACRA THEOLOGIA Tibi gratulor, Apollinemque meum, licet stylo non benè excultum ad occinendum Tibi suaue melos apprecandumque, ad perennem vitæ Tuæ Scenam, quæuis fausta & felicia in medium euoco. Quem Tu grato animo serenorum vultu, ut acceptes, meque Tuum Clientem Tibi omni genere officiorum deuinctum complectaris gratiâ, humillimè postulo.

MNEMO-



M N E M O S Y N O N.

O PHœbe DOCTIS Sydus amabile
SPERONIANI Gloria nominis,
In Vrbe laudis quem beasti,
Laurifero meritum decore.
Quirina cernens quem Sapiaientia,
Effusa plenos lætitæ sinus,
Laxauit ac Pæana lætum
SARMATICO cecinit Lyceo.
Adesto Fautor, Prosper in omine,
Turba & Sororum, faulta precantium,
Cui Lares ad iam paternos,
Romuleum recinas Honorem.
Adest; Stoâ quod conspicuum videt,
Omni beatum munere Palladis;
Venire LECHICO Trione,
Vertice pro meritum Tiarâ.
Virtute magnum, moribus & grauem,
Pium probatâ cum Sapiaientia,
Fortemque iustum, candidumque,
Magnanimum stabilem modestum.
Qualem furor nunquam, instabilis Deæ,
Aduersa nec sors deprimit: & licet
Iam fractus illabatur Orbis,
Impavidum feriant ruinæ.
Quid plura spectes? plurima Gratia
Cornu fauentes diuite Copia,
Dedere, quæ suum decerent,
Corporis atque animi nitorem.
Iam siste (dicit) primus in agmine
DOCTOR Sacrato; Lumen amabile,
Præclare SPERONI, Thronumque,
Pollicitum capito labori.

Ascende summam faustus in exedram
SENATVI Te, Teque ACADEMIÆ
Ostende, dispensaque LECHIS
THEOLOGI pia dona Phœbi.

En ipse Phœbus dulcè sonantibus
Chordis adauget, congeminationum
Plausus Amicorum solennes
In Tua Festa nouanda DOCTOR.

Mox Diuus alto CANTIVS æthere,
Beatitatis subsidium pluit;
DOCTORq; DOCTORI fauet iam;
Melliflua loquiturque Suadâ.

Supreme DOCTOR litera sic Sacra
Oris videndum Romuleis iubar,
Te fecit, vt Tuis regressus
Splendidior fieres Camænis.

Hinc ampliùs non nominis immemor
DOCTOR Paterni, Sacra leges Tuis
Lymphasque sanæ propinabis
Saluificas IOACHIME menti.

Musis amicus, tristitiam procul
Fugabis, & cum lætior intimâ
Fauebis applaudendo Parte,
Idque pium melos adsonabis!

Viuas in annos munificus Pyli,
Viuas egenis ô columen Viris,
PATRONE Musarumque Fautor,
Tergemino memorandus æuo.





